

Inuussutissarsiutigalugu qassusersorluni qaleralinnik aalisarneq pillugu Kommune Qeqertaliup ileqqoreqqusaa

Aalisarneq pillugu Inatsisartut inatsisaat nr. 18, 31. oktober 1996-imeersumi § 23, imm. 2 aamma § 33, imm. 3, kiisalu Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. september 2020-imeersumi § 8, imm. 2 malillugit aalajangersarneqarput:

Atuuffia

§ 1. Aalisartoqarfimmut tunngavigisatut sinerissap titarnerullu aalisarnikkut oqartussaaffiup tunngaviusumik killingata 3 sømilinik avataaniittup akornanni inuussutissarsiutigalugu qaleralinniarnermut Kommune Qeqertalimmi avannamullu 68° 30'N tikillugu, ileqqoreqqusaaq atuuppoq, ilanngussaaq 1 takujuk.

Inuussutissarsiutigalugu qaleralinnut qassusersorluni aalisarneq

§ 2. Qaammatini januaarimi, februaarimi, martsimi, apriliimi, maajimi, novembarimi aamma decembarimi inuussutissarsiutigisatut qassusersorluni qaleralinniartoqarsinnaavoq.

Ataatsimoorussatut aalajangersakkat

§ 3. Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaareernermigut qassusersorluni aalisarneq kommunalbestyrelsip matusiffigisinnaavaa.

Pineqaatissiissutit

§ 4. §§ 2 aamma 3-mik unioqqutitsinerit akiligassinneqarnermik arsaarinnissuteqarnermillu malitseqarsinnaapput.

Imm. 2. Imm. 1 malillugu akiligassiissutit pinerluttulerinermut inatsimmi kapitali 5 malillugu inatsisitigut inuttut naatsorsuussanut akileeqqusaasinnaapput.

Atuutilernera

§ 5. Ilegqoreqqusaq nalunaarutigineqarnerata tassanngaanniillu ullup tulliani atuutilisooq.

Imm. 2. Taamaalinerani Qaasuitsup Kommunianut ileqqoreqqusaq 6. september 2011-meersoq Kommune Qeqertalimmi, avannamut 68° 30'N tikillugu, atorunnaarsinneqarpoq.

Taamatut ulloq 19. maj 2022-mi Kommune Qeqertalimmi Kommunalbestyrelsimi akuersissutigineqarpoq.

Ane Hansen
Borgmester

Tamatumuuna inuussutissarsiutigalugu qassuserluni qaleralinniarneq pillugu Kommune Qeqertalimmi ileqqoreqqusaq akuerineqarpoq.

Namminersorlutik Oqartussat ulloq 21. juli 2022

Karl Tobiassen
Aalisarnermut Piniarnermullu Naalakkersuisoq

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut

